



Sarajevo, 6.10.2022.godine  
Broj, 04/5-02-1877/22

## ZAPISNIK

### 7. sjednice Vijeća nacionalnih manjina Federacije Bosne i Hercegovine, održane 06.10.2022. godine

Sedma sjednica Vijeća nacionalnih manjina Federacije Bosne i Hercegovine održana je putem aplikacije ZOOM, online, dana 06.10.2022. godine s početkom u 16,30 sati.

Prisutni su bili sljedeći članovi: **Hidajeta Redžić, predsjedavajuća Vijeća nacionalnih manjina FBiH, Violeta Džolan, Vladimir Lukačević, Davor Ebner, Bruno Palestra, Zehra Obarčanin, Alaga Suljić, Mehmed Suljić, Edin Sejdić, Elvisa Jusić, Dejan Piotrovski, Nermin Geca, Velibor Kuvač, Mišo Čirko, Davorka Drijenčić, Emin Fafulić, Emil Bakoš, Admira Biberović i Džemina Zejnulahu.**

Sjednici nisu prisustvovali: **Dervo Sejdić, Elma Softić-Kaunitz i Irma Muratović.**

Sjednicom je predsjedavala **Hidajeta Redžić**, predsjedavajuća Vijeća nacionalnih manjina Federacije Bosne i Hercegovine.

**Za 7. sjednicu Vijeća nacionalnih manjina Federacije Bosne i Hercegovine predložen je sljedeći:**

## DNEVNI RED

1. Usvajanje Zapisnika sa 5 i 6. sjednice Vijeća nacionalnih manjina FBiH;
2. Prijedlog za organiziranje sastanka članova Vijeća nacionalnih manjina FBiH sa predstavnicima Misije OSCE-a u BiH i Ureda Vijeća Europe u BiH, na temu izmjena i dopuna Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj: 56/08);
3. Informacija-izvještaj o radu predstavnika Vijeća nacionalnih manjina FBiH u Koordinacionom odboru za nacionalne manjine podržanom od Zajedničkog projekta (ZP) pod nazivom „Promocija različitosti i jednakosti u Bosni i Hercegovini“ Vijeća Evrope (VE) i Evropske unije (EU);
4. Tekuća pitanja.

Hidajeta Redžić, predsjedavajuća Vijeća nacionalnih manjina Federacije Bosne i Hercegovine istakla je da Zapisnik sa 5. sjednice Vijeća nacionalnih manjina Federacije Bosne i Hercegovine još nije primljen od nadležnih službi, te je predložila da se iz ranije predloženog i dostavljenog Dnevnog reda sjednice briše dio tačka 1) odnosno da glasa samo o usvajanju zapisnika sa 6.

sjednice Vijeća, a da se zapisnik sa 5. sjednice Vijeća razmatra na nekoj od narednih sjednica Vijeća.

Potom je predsjedavajuća stavila na glasanje zapisnik sa 6. sjednice Vijeća koji je **jednoglasno** usvojen.

Nakon toga predsjedavajuća otvorila slijedeću tačku Dnevnog reda.

**2. Prijedlog za organiziranje sastanka članova Vijeća nacionalnih manjina FBIH sa predstavnicima Misije OSCE-a u BIH i Ureda Vijeća Europe u BIH, na temu izmjena i dopuna Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj: 56/08);**

Predsjedavajuća je podsjetila članove Vijeća na nedavne inicijative Misije OSCE-a u BIH, Ureda Vijeća Europe u BIH, i Komsije za ljudska prava i slobode Predstavničkog doma Parlamenta FBIH koje se odnose na izmjenu i dopunu Zakona o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj: 56/08) odnosno usvajanje u cjelosti novog propisa kojim bi se uredila prava odnosno druga statusna pitanja od značaja za nacionalne manjine u FBIH. Predsjedavajuća je istakla da sudeći po dokumentu prijedloga Zakona o zaštiti prava pripadnika nacionalnih manjina u Federaciji Bosne i Hercegovine, nisu uvaženi komentari odnosno konkretne sugestije Vijeća nacionalnih manjina FBIH na nacrt novog propisa o nacionalnim manjinama, te je potrebno održati sastanak članova Vijeća nacionalnih manjina FBIH sa predstavnicima Misije OSCE-a u BIH i Ureda Vijeća Europe u BIH kako bi se definitivno istakli stavovi Vijeća.

U diskusiju po ovoj tački Dnevnog reda uključio se **Mehmed Suljić**, predstavnik romske nacionalne manjine u Vijeću. On je u okviru jasnog stava istakao da je pitanje izmjene i dopune (pa tako i usvajanja novog propisa) o nacionalnim manjinama u FBIH u suštinskoj nadležnosti nacionalnih manjina odnosno njihovih legitimnih predstavnika u Vijeću, te da shodno tome, i pored dobre namjere, drugi akteri jednostavno nemaju pravo da se samoinicijativno miješaju u ovaj postupak bez izričitog poziva Vijeća.

Predsjedavajuća je potom istakla da se u potpunosti slaže sa diskusijom Mehmeda Suljića te da je njen prijedlog održavanja sastanka imao za cilj da ne dozvoli isključenje Vijeća iz ovog vrlo bitnog pitanja za nacionalne manjine u BIH.

Mehmed Suljić je potom istakao da je moguće, čak i poželjno održavanja jednog šireg sastanka, kojem će pored predstavnika Misije OSCE-a u BIH i Ureda Vijeća Europe u BIH, prisustvovati i predstavnici svih vijeća nacionalnih manjina iz Bosne i Hercegovine; sastanka kojem će domaćin biti Vijeće nacionalnih manjina FBIH, i na kojem će biti analizirani propisi o nacionalnim manjinama odnosno u prvom redu Zakon o zaštiti prava pripadnika nacionalnih manjina u Federaciji Bosne i Hercegovine („Službene novine Federacije BiH“, broj: 56/08), jer je bez analize zakona bespredmetno uopšte počinjati raditi na njegovoj dopuni odnosno potpunoj izmjeni.

Nakon ove diskusije jednoglasno je usvojen slijedeći

## **ZAKLJUČAK**

**VIJEĆE NACIONALNIH MANJINA FEDERACIJE BOSNE I HERCEGOVINE DO**



---

**KRAJA 2022. GODINE ORGANIZIRATI ĆE SASTANAK/KONFERENCIJU KOJOJ ĆE PORED PREDSTAVNIKA MISIJE OSCE-A U BIH, UREDA VIJEĆA EUROPE U BIH I PREDSTAVNIKA KOMISIJA ZA LJUDSKA PRAVA I SLOBODE OBA DOMA PARLAMENTA FBIH, PRISUSTVOVATI I PREDSTAVNICI SVIH VIJEĆA NACIONALNIH MANJINA IZ BOSNE I HERCEGOVINE I NA KOJOJ BI BITI ANALIZIRANI PROPISI O NACIONALNIM MANJINA, A PRVOM REDU ZAKON O ZAŠTITI PRAVA PRIPADNIKA NACIONALNIH MANJINA U FEDERACIJI BOSNE I HERCEGOVINE, I NA KOJOJ ĆE BITI PREDLOŽENE KONKRETNE IZMJENE I RJEŠENJA.**

**ZADUŽUJE SE PREDSDJEDAVAJUĆA VIJEĆA DA ADMINISTRATIVNOJ KOMISIJI PREDSTAVNIČKOG DOMA PARLAMENTA FEDERACIJE BIH UPUTI ZAHTJEV ZA KORIŠTENJE SREDSTAVA ZA ORGANIZACIJU SPOMENUTOG SASTANKA/KONFERENCIJE.**

Nakon usvajanja gore-navedenog zaključka, predsjedavajuća je otvorila naredu tačku Dnevnog reda.

**3. Informacija-izvještaj o radu predstavnika Vijeća nacionalnih manjina FBIH u Koordinacionom odboru za nacionalne manjine podržanom od Zajedničkog projekta (ZP) pod nazivom „Promocija različitosti i jednakosti u Bosni i Hercegovini“ Vijeća Evrope (VE) i Evropske unije (EU);**

Predsjedavajuća je pojasnila članovima Vijeća čiji je mandat u Vijeću nedavno počeo da je svojevremeno, tokom mandata prethodnog saziva Vijeća, Vijeće imenovalo svoje predstavnike Koordinacioni odbor za nacionalne manjine podržanom od Zajedničkog projekta (ZP) pod nazivom „Promocija različitosti i jednakosti u Bosni i Hercegovini“ Vijeća Evrope (VE) i Evropske unije (EU). Imenovani predstavnici Vijeća (bili) su **Mujo Fafulić** i **Vladimir Lukačević**. Budući da je članu Fafuliću istekao mandat u Vijeću, predsjedavajuća je zamolila predstavnika češke nacionalne manjine u Vijeću, Vladimira Lukačevića da u kratkim crtama izvjesti Vijeće o svom radu u spomenutom Koordinacionom odboru. Vladimir Lukačević je u kratkim crtama iznio detalje iz svog angažmana u Koordinacionom odboru, naveo najznačajnija dostignuća projekta „Promocija različitosti i jednakosti u Bosni i Hercegovini“ Vijeća Evrope (VE) i Evropske unije (EU) i predložio da članovi Vijeće konsultuju materijale koje je ranije poslao putem elektronske pošte.

Potom je predsjedavajuća prešla na narednu tačku Dnevnog reda.

#### **4. Tekuća pitanja**

Predsjedavajuća je otvorila ovu tačku Dnevnog reda no budući da daljnjih pitanja nije bilo predsjedavajuća je zaključila sjednicu Vijeća u 17:05 sati.

#### **PREDSJEDAVAJUĆA VIJEĆA NACIONALNIH PARLAMENTA FEDERACIJE BiH**



Hidajeta Redžić